

Jus. can.  
1413

Jus. can.

J. can.

De

confirmatione episcoporum in ditionibus ordinis  
Teutonici septentrionalibus

P r o g r a m m a

ad

commendandam civibus

piam celebrationem

sacrorum Pentecostes

Prorectore, Cancellario, Directore

et  
reliquo Senatu Univ. Albertinae

publice propositum.



---

Regiomonti Boruss.

Typis Academicis Hartungianis A. ccccxxix.

Jus. can.  
1413

Jus. can.

J. can.

De

confirmatione episcoporum in ditionibus ordinis  
Teutonici septentrionalibus

Programma  
ad  
commendandam civibus  
piam celebrationem

# sacrorum Pentecostes

Prorectore, Cancellario, Directore  
et  
reliquo Senatu Univ. Albertinae  
publice propositum.



---

Regiomonti Boruss.

Typis Academicis Hartungianis A. ccccxxix.



---

**P**rogrammatibus duobus de examine episcoporum a. XV. huj. sec. editis luculenter demonstravimus, neo-electos episcopos usque ad initium sec. IV. a vicinis co-episcopis, et postea, vigore canonis apost. XXXIII. ac IV. et VI. concili Nicaeni I. a metropolitanis, praevia fidei et morum exploratione, confirmatos, metropolitanos autem a collegis, cathedras antiquiores occupantibus, e. gr. Constantinopolitanum ab Alexandrino, ordinatos esse. Crescente autem auctoritate Romani, Alexandrini et aliorum metropolitanorum superiorum s. Archiepiscoporum auctoritate, et definita in concilio Chalcedonensi can. IX. XVII. XXVIII. potestate patriarchali, eaque constitutionibus principum<sup>1)</sup> justo

---

1) Novella VI. Epil. §. I. „sanctissimi patriarchae uniuscuiusque dioecesis haec proponant in ecclesiis sub se constitutis et manifesta faciant Deo amabilibus metropolitis, quae a nobis constituta sunt. Illi quoque rursus etiam proponant ipsi ea in metropolitana sanctissima ecclesia, et constitutis sub se episcopis haec manifesta faciant: illorum vero singuli in propria ecclesia hoc proponant, ut nullus nostrae reipublicae ignoret, quae a nobis ad honorem et ad augmentum magni Dei et Salvatoris nostri Jesu Christi disposita sunt.“ — Novella CXXIII. cap. XXII. „Si quis vero sanctissimorum episcoporum ejusdem synodi dubitationem aliquam ad invicem habeat, sive pro ecclesiastico jure, sive pro aliis quibusdam rebus: prius metropolita eorum cum ali's de sua synodo episcopis causam examinet et judicet, et si non rata habuerit utraque pars, quae judicata sunt, tunc beatissimus patriarcha dioeceseos illius inter eos audiat, et illa determinet, quae ecclesiasticis canonibus et legibus consonant, nulla parte ejus sententiae contradicere valente. Si autem et a clero, aut alio quocunque, aditio contra

plus aucta, patriarchae sibi arrogabant, ut omnes dioeceseos suae metropolitanos confirmarent et per se aut per legatos suos ordinarent<sup>2)</sup>. Ex quo vero Gregorius M. et Bonifacius III. titulum patriarchae oecumenici ambiebant et ab imperatoribus Byzantinis variis artibus impe-trabant, factum est, ut pontifex Romanus non solum episcopos in dioecesi sua suburbicaria, sed etiam exteros, praecipue in ecclesia occidentali, confirmare et judicare auderet; resistantibus tamen, per longam annorum seriem, Mediolanensi, Aquilejensi, Ravennate, Afri-canis et Galliarum primatibus, e. g. Hincmaro, quem in examinandis<sup>3)</sup>

---

episcopum fiat propter quamlibet causam, apud sanctissimum ejus metropolitam, secundum sacras regulas et nostras leges, causa judicetur, et si quis judicatis contradixerit, ad beatissimum archiepiscopum et patriarcham dioeceseos illius referatur causa, et ille secundum canones et leges huic praebat finem. Si vero contra metropolitam talis aditio fiat ab episcopo, aut clero, aut alia quacumque persona, dioeceseos illius beatissimus patriarcha simili modo causam judicet.“

- 2) De tota hac materia in primis dignus est, qui conferatur, ZIEGLER in: *Versuch einer pragmatischen Geschichte der kirchlichen Verfassungsformen in den sechs ersten Jahrhunderten der Kirche*; pag. 272. sqq.
- 3) Justinianus quidem in Novella CXXIII. cap. XII. praeceperat, clericos non aliter ordinandos esse, nisi literas scirent, et rectam fidem vitamque haberent honestam; et neque concubinam aut naturales habuerint, aut haberent filios, sed caste viventes aut uxorem legitimam et ipsam unam et primam habentes, neque viduam, neque separatam a viro, neque aliter legibus aut sacris canonibus interdictam: literarum tamen notitia in media, quae dicitur, aetate, apud occidentales tam arctis limitibus circumscribebarat, ut exploratores jam acquiescerent, si ordinandus tantum latina legere et modos abbreviandi resolvere sciret. Cujus rei exemplum RECHENBERGIUS in diss. *de ineptiis Clericorum Romanensium*, §. V. affert, memoratu non indignum: Cum monachus epistolam Otonis episcopi ad paelatum quendam, ex more ejusdem temporis, litterarum compendiis exaratam, in tentamine, legeret, pronuciabat eam sic: „Otto Dei gram, rogat vestram clam, ut velit istum clincum clancum convertere in vivum diabolum;“ cum tamen verba non abbreviata haec referrent: „Otto, Dei gratia, rogat vestram clementiam, ut velit istum clericum conducere in vestrum diaconum.“ — Idem refert §. II. Davidem, Philippi Burgundiae ducis, cognomento boni, filium, episcopum Ultrajectinum, non solum ccc. ordinandos, tribus exceptis, examine instituto, removisse sed etiam monentibus, ingens ecclesiae dedecus

et confirmandis dioecesos Rhemensis episcopis, ne ullam quidem mentionem Romani praesulis fecisse, ex programmate sup. cit. II. pag. 8. luculentter apparet. Astutia demum consarcinatoris decretalium (Pseudo-) Isidori, et audacia Gregorii VII. jura metropolitanorum paullatim diminuta sunt, et primatus papae, in occidente saltem, stabilitus est, in quo infringendo non solum concilia tria celeberrima, Pisanum, Constantiense et Basileense, sed etiam monarchae catholici hactenus frustra laborarunt. Romana enim ecclesia cedere nescia, et, ubi papa, ibi Roma est.

Hinc celeberrimi inter Catholicos Ictos ecclesiasticos Germaniae, HONTEMPIUS<sup>4)</sup> RIEGGERUS<sup>5)</sup> et SCHENKL<sup>6)</sup> recte distinxerunt inter

---

fore, si pro trecentis tres tantum ad ordines admitterentur, respondisse: majus fore dedecus ecclesiae, si in ea pro hominibus admitterentur asini, et omnibus asinis stolidiores.

- 4) FEBRONIUS *de statu ecclesiae* p. 240: „Confirmatio et approbatio electionis, sive nominationis, primis ecclesiae seculis omnimodo erat penes episcopos ordinatores, i. e. metropolitanum cum suffraganeis, juxta canonem IV. Nicaenum, cui addendus canon XII. Synodi Laodicenae apud Harduinum, Tom. I. col. 783. seq. Quoniam tamen inter episcopos ordinatores primus et praeses est metropolitanus, neque semper omnibus comprovinciis episcopis commodum esset, ad singulas episcoporum ordinationes convenire, sensim, ex quodam saltem tacito ecclesiae consensu, ad metropolitanum devolutum est jus discutiendae electionis, eamque vel ut canoniam probandi, vel reprobandi ut minus legitimam. Hanc metropolitani auctoritatem non obscure expressit in citato canone Nicaena synodus his verbis: potestas sane vel confirmatio pertinebit per singulas provincias ad metropolitanum episcopum. In hujus sequelam Gratianus dist. LXIV. can. 8. ait: „Illud generaliter clarum est, quod si quis præter sententiam metropolitani fuerit factus episcopus, hunc magna synodus definivit episcopum esse non oportere.“ Adde ejusdem distinctionis cap. 1. et 6. Inde etiam illud Innocentii I. ead. dist. can. 5. „Extra conscientiam metropolitani episcopi nullus audeat ordinare episcopum.“ — Inde ab Alexandro 3. de episcoporum confirmatione a Romana sede obtainenda frequens est in jure mentio in cap. 1. 2. 3. et 4. X. de Translat. episc. cap. 15. 18. 19. 20. et 21. X. ut lite non contest. — Scilicet censuerunt pontifices, inducendam maiorem episcoporum ab iis dependentiam, aut potius toleratum est, ut illi majorem sibi in hos auctoritatem attribuerent.“

- 5) *Institutiones jurisprudentiae ecclesiasticae*, P. II. pag. 110. et III.

jura antiqua et hodierna archiepiscoporum. Quis igitur est, qui mittetur, iam pristinis temporibus in Britannia, Germania aliisque terris septentrionalibus, a monachis ad mentem Rom. curiae obtemperantibus non solum linguam et ritus Romanorum in cultu Dei publico introductos, sed etiam disciplinam ecclesiasticam ad normam ecclesiae Romanae effictam, et hac ratione proceres ecclesiarum imperio papali plane subjectos esse. Ut verbis nostris fidem faciamus, ad duo tantum, p[ro]ae multis aliis, classissima exempla provocamus.

Augustinus, homo rudis quidem, neque minus tamen superbis atque astutus, papae in Anglia vicarius, totus a consiliis, imo praceptoris Gregorii M. pendebat,<sup>7)</sup> ejusque in Germania imitator

6) P. MAURI SCHENKEL *institutiones juris ecclesiastici*. pag. 294.: „Jura metropolitarum olim amplissima et ea quidem, quae ad jurisdictionem spectabant, ferme erant, quod possent omnes sua province episcopos confirmare et ordinare; provinciam visitare; subjectos sibi episcopos ad synodum convocare, et huic praesidere; eorum caussas, saltem una cum synodo provinciali, dijudicare, et eosdem offici negligentes corripere, punire; ab eorum sententia appellationes recipere; literas formatas, communicatorias et commendatitias episcopis peregre euntibus dare, et clericis datas examinare; omnium ad salutem totius province pertinentium, et quarumvis maiorum caussarum ad se relationem exposcere.“

7) Planck's Gesch. der Christl. Kirchl. Gesellschafts-Berf. 2r. Bd. pag. 704: „Von einer ganz eignen Art war jenes Verhältniß, in welches die Englische Kirche mit den Päpsten hineingekommen, und durch die Art ihrer Entstehung selbst hineingekommen war. Sie war ja eigentlich von ihnen gestiftet worden, denn Gregor I. hatte zu Ende des 6ten Jahrh. den Mönch Augustin recht förmlich als seinen Missionär nach England geschickt, um die Insel wieder zum Christlichen Lande zu machen. Dadurch bekam der Römische Stuhl wenigstens Patriarchenrechte über die neue Englische Kirche, die selbst nach den Grundsätzen des ältesten Kirchenrechts von ihm abhängig wurde, weil sie durch ihn oder durch seine Verwendung ihre Existenz bekommen hatte. Doch diese Rechte machte ihm auch Niemand streitig. Man erkannte sie am unzweideutigsten dadurch, weil man ihm das Organisationsgeschäft der neuen Kirche nicht nur bei ihrer Entstehung allein überließ, sondern auch in der Folge jede Veränderung, die man darin vornahm, immer durch ihn sanctioniren und bestätigen ließ. Man erkannte z. B., daß er allein das Recht habe, den Primat der englischen Kirche zu vergeben, der mit dem Erzbisthum von Canterbury verbunden wurde. Man

strenuus, Bonifacius, Gregorio II. ante ordinationem juramentum fidelitatis praestabat<sup>8)</sup> et ob fervorem tum in propaganda, tum in reformanda ad Romanam formulam religione Christiana, legatus sedis apostolicae creatus, sine sede fixa, in Hassia, Thuringia et Bavaria laborabat, usque dum honos metropoleos Germanorum ecclesiae Moguntinae daretur, et, ut SEMLERUS<sup>9)</sup> ex Mariano Scoto tradit, secun-

---

schickte daher selbst zuweilen die neuen Erzbischöfe von Canterbury nach Rom, um sie von dem Papst consecriren zu lassen<sup>13)</sup> oder die Könige ersuchten sie selbst, ihnen einen zu schicken.<sup>14)</sup>"

13) Wie im J. 665 der König Oswin den Presbyter Wyhardt nach Rom schickte, um von dem Papst Vitalian consecrirt zu werden.

14) So kam der berühmte Theodor von Tarsus zu dem Erzbisthum von Canterbury.

8) Sequentis tenoris: In nomine Domini Dei, salvatoris nostri Jesu Christi, imperante — promitto ego, Bonifacius, Dei gratia episcopus, tibi, beate Petre, apostolorum princeps, vicarioque tuo, beato Gregorio papae, & successoribus ejus, per patrem et filium et spiritum sanctum, trinitatem inseparabilem et hoc sacratissimum corpus tuum, me omnem fidem et puritatem sanctae fidei catholicae exhibere, et in unitate ejusdem fidei, Deo operante persistere, in qua omnis Christianorum salus esse sine dubio comprobatur; nullo modo me contra unitatem communis et universalis ecclesiae, suadente quopiam, consentire; sed (ut dixi) fidem et puritatem meam atque concussum tibi, et utilitatibus ecclesiae tuae, cui a Domino Deo potestas ligandi, solvendique data est, et praedicto vicario tuo, atque successoribus ejus per omnia exhibere. Sed et si cognovero, antistites contra instituta antiqua sanctorum patrum conversari, cum iis nullam habere communionem aut coniunctionem; sed magis, si valuero prohibere, prohibebo. Si minus, fideliter statim Domino meo apostolico renunciabo. Quod si (quod absit) contra hujus promissionis meae seriem aliquid facere quolibet modo seu ingenio vel occasione tentavero, reus inveniar in aeterno judicio, ultionem Ananiae et Saphyrae incurram, qui vobis etiam de rebus propriis fraudem facere praeumpserunt. — Hunc etiam indiculum sacramenti ego Bonifacius exigens episcopus manu propria scripsi atque ponens supra sacratissimum corpus sancti Petri, ita ut praecriptum est; Deo teste et judice feci sacramentum, quod et servare primitto. *BARONII Annales Tom. IX. pag. 31.*

9) In dissert. de propagata per Bonifacium inter Germanos religione Christiana, pag. 27.

dus post papam haberetur Moguntinus archiepiscopus.<sup>10)</sup> Eadem fere ratione, in regionibus Europae septentrionalibus, pontifices Romani auctoritatem suam stabilire studuerunt. Borussiam, ab ordine Teutonico subiugatam, legatus pontificis, Guilielmus, in IV. dioeceses partiebatur, quarum episcopi metropolitano Gnesensi, postea Rigensi, subiiciebantur.<sup>11)</sup> Nihilo tamen minus, crescente ordinis potestate, ejus magistri designabant capitulis ecclesiarum eligendos episcopos et electos ad suscipienda ordinis vota, nisi antea iam fratres ejus essent, alliciebant. Confirmationem quidem neoelectorum praesulum a papa, devotissimae subiectionis specie, petebat ordinis magister, sed refractariis etiam gravissimas poenas infligebat, id quod ex tristi fato Theodorici a Cuba, Sambiensis episcopi, satis superque appetet.<sup>12)</sup>

10) Die Stifter der Deutschen Kirchen, Kilian, Ruprecht, Willebrodt und Bonifacius, waren Apostel des Pabstes, und handelten nur in seinem Namen; alle von ihnen errichteten Bisphümer wurden dem Römischen Stuhl unterworfen, und ihre Vorsteher gelobten im J. 744. unter Anleitung des Bonifacius, willig und feierlich dem heiligen Petrus und seinem Nachfolger beständigen Gehorsam. Hiemit erkannten sie die Befugniß des Pabstes an, das Suprematsrecht über ihre Kirchen auszuüben, und, um sie in dieser Anerkennung zu befestigen, ernannte Gregor III. den Apostel zum Erzbischof von Mainz, zum Primas und zu seinem beständigen Vicarius in Deutschland." Fesler's Ansichten von Religion und Kirchenthum, II. Theil P. 318 und 319.

11) Arnold's Kirchengesch. des Königreichs Preußen, pag. 141.

12) Historia von Dietrich von Cuba, Bischof von Samland, wie er ist zu Tapiau vom Hn. Heinrich von Richtenberg gefangen und verhungert worden. (1474.) — Erläutertes Preußen; Tom. I. pag. 471. — „Man sagt auch und ist wahr, daß Pabst Sixtus, sobald ein Geschrei des jämmerlichen Todes gen Rom gekommen ist, im grimmigen Zorn gesaget habe: Deleatur illa pessima nigra crux; maledictus enim est ordo, ubi Laicus regit super Clerum. Doch ward der Pabst gestillt und zufrieden gesetzt durch eine Satisfaction. Sieben Männer, dazu vom Orden erkauft, stunden mit aufgereckten Fingern für den Pabst, und schwuren: Wie daß Bischof Dierich nicht dermaßen vom Orden umgebracht wäre, als wohl für seine Heiligkeit eliche Missgönnner des Ordens fälschlich angetragen hätten, sondern er wäre eines rechten natürlichen Todes gestorben, so wahr ihnen Gott helfen sollte und seine lieben Heiligen. Da nun der Pabst dieses also Geschehene glau-

His paucis praemissis nunc exhibemus *Vobis, carissimi cives,*  
quatuor hactenus, quantum scimus, inedita diplomata, quae ex ordi-  
nis Teutonici tabulario nobiscum communicavit director ejus, dum vive-  
ret, famigeratissimus, Hennig, quaeque rationem illustrant, quae  
inter papam et magistrum ordinis, respectu confirmationis episcoporum,  
intercessit.

I.

Bonifacius IX. confirmat d. IX. Jul. cCCCCII. Theodoricum  
episcopum Revalensem<sup>13)</sup> eique facultatem largitur, magistro Livo-  
niae professionem faciendi et vestem ordinis Teutonici assumendi.

*Bonifacius Episcopus seruus seruorum dei Dilecto filio Theoderico elec-  
to Revalensi Salutem et apostolicam benedictionem Tue deuocionis exigent-  
ibus meritis inducimur ut votis tuis illis presertim que tui ac ecclesie tue  
Revaliensis prosperi status augmentum conspiciunt. quantum cum deo pos-  
sumus fauorem beniuolum impendamus. Sane nuper ecclesia predicta pa-  
storis regimine destituta Nos eidem ecclesie de persona tua nobis et fratri-  
bus nostris ob dictorum tuorum exigenciam meritorum accepta, de fratraru-  
m eorundem consilio duximus auctoritate apostolica prouidendum, preficiendo  
te illi in Episcopum et pastorem prout in nostris inde confectis litteris ple-  
nius continetur Cum autem sicut exhibita nobis nuper pro parte tua peticio  
continebat tu ecclesiam predictam absque dilectorum filiorum magistri et  
fratrum Hospitalis beate Marie Theutonicorum Jerlemitan, sub quorum tui-  
tione et dominio temporali dicta ecclesia consistit fauoris presidio non spe-  
res fructuose regere posse, cupiasque propterea cum eisdem Magistro et  
fratribus sub regulari habitu virtutum domino famulari ac professionem  
per fratres ejusdem hospitalis emitte consuetam in manibus prefati Magistri  
emittere regularem ut ecclesie predice ejusque cure regimini et administra-  
cioni utilius preesse valeas pariter et prodesse. Nos uolentes te in hujus-  
modi tuo laudabili proposito confouere. Tuis in hac parte supplicacionibus*

---

ben musste, halßen dazu gar getrost etliche Curtisaner, die der Papst auch  
sehr lieb hatte, und doch genanntem Bischof Dietrich nicht sehr günstig  
waren, auch vielleicht vom Orden großes Geschenk dazu genommen hatten.

13) Arndtii Pies. Chronik hujus Theodorici mentionem non facit.

*inclinati devotioni tue' hujusmodi habitum recipiendi et professionem predictam in manibus prefati magistri emitte plenam et liberam auctoritate apostolica tenore presencium licenciam elargimur. Et insuper tecum ut eiam postquam in fratrem dicti hospitalis receptus fueris et habitum predictum assumpseris eandemque professionem emiseris ut prefertur eidem ecclesie preesse ac curam regimen et administracionem predicta in spiritualibus et temporalibus gerere et exercere et quibuscumque constitutionibus apostolicis neq; non statutis et consuetudinibus dicti Hospitalis contrariis juramento confirmatione apostolica uel quacunque firmitate alia roboratis nequaquam obstantibus auctoritate predicta harum serie dispensamus Nulli ergo omnino hominum licet hanc paginam nostre concessionis et dispensacionis infringere uel ei ausu temerario contraire. Si quis autem hoc attemptare presumperit indignacionem omnipotentis dei et beatorum Petri et Pauli Apostolorum ejus se nouerit incursum Datum Rome apud sanctum Petrum VII. Idus Julii Pontificatus nostri Anno Quartodecimo.*

## II.

Magister ordinis obsecrat a. cCCCCXXIV. quendam cardinalem, ut favori papae commendare velit Godeschalcum, Curoniae episcopum, ad sedem metropolitanam Rigensem promovendum.

*Humilima recommendacione cum exhibicionis nostre sincerissima promptitudine iugiter autemissis Reuerendissime pater et domine noster graciosissime Quis viuentium enumerare sufficit excidia et detimenta irrecuperabilia que nos et ordo noster in certis bonis nedum ab infidelibus verum eiam a cristicolis multifarie perpessi sumus Quodque hoc ipsum sepius et permaxime ex eo contingit, quod nonnunquam in nostri ordinis territoriis presules seu ecclesiarum preficiuntur pastores qui tempore oportuno contra hujusmodi infidelium incursus suis nobis subuenire subsidiis contradicunt. Cum igitur per Reuerendissimi patris et domini domini Johannis Habundi pie memorie nouiter extra Romanam Curiam defuncti obitum Rigensis vacauerit ecclesia que utique in nostri ordinis districtu ac in infideliis scismatistarum fauibus existit situata nec sine ejusdem ordinis nostri tuicione laboriosa poterit succidere bene salua Ad Reuerendissimos P. V. pedes prouoluti deuotissime supplicamus coram sanctissimo domino nostro domino Martino uniuersalis ecclesie presuli dignissimo precibus instare ac graciissimis vestris intercessionibus efficere dignemini Quatinus sanctitas sua Reuerendum in Christo patrem dominum Gotschalcum Curoniensis ecclesie prout episcopum nostrique*

ordinis professum Magistrum in artibus in jure canonico sufficienter peritum ac ligwagi<sup>14)</sup> et patrie Lyonie morum peroptime conscient ymmo ad ipsam sanctam Rigensem ecclesiam gubernandam ydoneum et perutilem ob meritorum suorum et virtutum exigencias ad eandem Rigensem ecclesiam transferre ac ipsum de solita benignitatis sue graciosa clemencia in ejusdem eccliesie Archiepiscopum presicere dignetur et pastorem Confidite pater Reuerendissime, quod non animi levitate nec alterius occasionis sed conscientie nostre scribinus puritate, quod nec memorate ecclesie Capitulum venerabile quod reuera nostri ordinis habitum constat inuestitum nec vasalli ipsius seu subditii cum suis confinantibus in pacis amenitate caritatis suavitate et profectum multitudine nisi per memorati domini Gotschalci qui etiam dicti ordinis nostri est professus gubernationis medium se potuerit confonere Quae qualia et quanta sancte Romane ecclesie pericula christianitati discrimina et dicta eccliesie Rigensi suis cum subditis et vicinis dissidia si secus fieret evenire timemus ordinis nostri in Curia Romana procuratori generali Reuerendissime P. V. creature deuotissime distincius commisimus per ordinem exponere Quam altissimus ad tempora dignetur optata conseruare pro regimine eccliesie sue sancte feliciter et longeue. Datum etc.

### III.

Eugenius IV. hortatur a. cICCCCXLII. episcopum Culmensem ne ad concilium Basileense proficiscatur, eique simul mandat, ut ar-episcopo Rigensi scribat ne concilium illud agnoscat. Si votis ejus non paruerit, ecclesiam culmensem ab inspectione dicti Archiepiscopi exemptam iri.

Eugenius Episcopus Seruus seruorum dei Venerabili fratri Episcopo Culmensi Salutem et apostolicam benedictionem. Vidisti venerabilis frater execrabilem fructum, quem peperit perfida Basiliensis Synagoga, que cum palam predicaret, se ad reformandam Ecclesiam, et pacem ponendam, inter principes congregatam postea vitulum aureum erexit ad scindendam Ecclesiam, et ad ponendum gladium in populo christiano, magna hec delusio et abominabilis fuit sub specie pacis et reformationis scandala et scissuram eccliesie fabricasse, ut miremur multum esse, aliquos tam stultos et ebetis cordis, qui sana conscientia adherere, aut fauere tantis erro-

14) In antiquis documentis ligwa et ligwagium pro lingua et linguagium, sagivis pro sanguis legitur.

ribus queat Sed tamen Sator scandalorum Sathanas adeo versitus semper  
 fuit ut semper scindere dei populum conatus fuerit, et multos perditionis  
 akumpnos attraxerit in sententiam suam, Tu uero tamquam deuocionis filius,  
 reice falsos prophetas, qui tuam et tue gręgis animas deducere in interi-  
 tum conantur, Resiste aduersus has dyaboli temptaciones, et in solita tua  
 fide et pristina erga Nos et Romanam Ecclesiam deuocione persiste, fuisti  
 enim semper Bonus noster et sedis apostolice filius, neque unquam dedisti  
 locum similibus scandalis, sed semper firmus permansi, tamquam supra  
 petram fundatus in unitate Sancte Romane Ecclesie, et scismata respuisti,  
 oppugnando illos qui Romanum Poutifecem impugnarent, sed precipue Basiliense  
 Ydolum execrandum, repelle a cogitationibus et mente tua, cum  
 ipse et sui adherentes et sequaces per processus et sententias apostolicas,  
 quos ad tuam fraternitatem nam illos per uniuersum orbem fecimus publicare  
 delatas credimus sint dampnati, tamquam heretici et Scismatici, neque  
 tibi, cum illius ydoli Cultoribus sit ullum commercium, sed repelle a te  
 tamquam oues morbias, ne ceteros possint corrumpere Ceterum audiuimus  
 Archiepiscopum Rigensem deniisse a pristina sua erga nos fide, et adhe-  
 sisce Basiliensi perfidie, eorumque sententias acceptasse et publicasse,  
 que si vera sunt dolenus propter eum et suos subditos, qui cum deberet  
 esse pastor et saluare oues sibi commissas, deducit eas ad putenum inte-  
 ritus, et tamquam Cecus ducatum oecis prestare conatur, neque erubescit  
 se solum ferme tam praua sentire Cum nullus Rex neque Princeps Christia-  
 nus ex iis, qui recte principes dici possunt, illi credit, neque eciam pre-  
 lati aliqui nisi pauci uel premio uel spacio corrupti, Itaque exhortamur in domino tuam  
 fraternitatem primum ut immobilis perseueres in pristina tua erga nos et  
 Ecclesiam prefatam fide et deuocione, deinde ut horteris prefatum Ar-  
 chiepiscopum, ut idipsum in domino uelit sapere et sequi sana consilia,  
 quod si recusaret, sit tibi tamquam etnucus (sic) et publicanus, et ipsum  
 omnino repelle tamquam hereticum et scismaticum, neque in aliquo ei pareas,  
 Nam te ab omni fidelitatis Juramento sibi per te forsan quomodolibet pre-  
 stito, tenore presencium absoluimus et eximimus ab omni ejus potestate  
 et jurisdictione. Copiam vero processuum mittimus ad te ut si forsitan  
 malignancium peruersitas illos occultasset, nota sit tibi illius Ydoli et suo-  
 rum fautorum damnacio, Cum uero audierimus bone memorie quandam  
 Paulum Generalem Magistrum Hospitalis Beate Marie Theutunicorum ex  
 hac uita migrasse ad dominum, exhortamur per nostras litteras Dilectos  
 filios Conuentum dicti Hospitalis, ut sibi successorem elegant uirum bonum  
 qui sequatur sui predecessoris fidem et deuocionem erga nos et Ecclesiam  
 Romanam, que dicti Ordinis est mater et protectrix, fuit enim semper  
 predecessor ipse bonus noster et Ecclesie filius, neque unquam devianuit  
 a nostra deuocione, sed semper restitit Basiliensi iniquitati et perfidie,

pro defensione nostre et dicte sedis auctoritatis et status, ejus prudenter tu quoque imitari uelis, ut sic filius lucis ab omnibus valeas appellari Datum Florencia Anno Incarnationis dominice Millesimoquadrinente simo quadragesimoprimo Quarto Idus Maii Pontificatus nostri Anno Undecimo  
W. Colenzoen.

## IV.

Joannes a Mengede; Osthoff dictus, Magister Livoniae, petit a. ccccclvi confirmationem electi a capitulo ecclesiae cathedralis Curoniensis episcopi, D. Pauli Einwalt a Walteris.

Beatissime ac clementissime Pater ac graciosissime domine post debita beatorum pedum oscula humilima subieccione ac recommendacione pariter et debita reverencia premissa Ante aliquot dies videlicet ipso die ante penultimam mensis precedentis Novembris Reuerendus in Christo pater Dominus Johannes V. S. ecclesie Curoniensis Episcopus obdormiuit in domino cuius anima feliciter requiescat Ne uero ecclesia ipsa sic pastoris solacio destituta per vacationem diuturnam sue viduitatis deploraret incommoda ac in spiritualibus et temporalibus detimenta pateretur Venerabiles viri domini Prepositus Decanus et Capitulum predicti ecclesie ordinatiorum pro futuro Pontifice ut moris est et canonicum habentes inuocata gratia spiritus sancti per decantacionem misse solemnis de sancto spiritu vota sua omnes uanamiter nullo eorum penitus ab altero discrepante et ut firmiter creditur spiritus sancti gratia inspirati direxerunt concorditer in Egregium et preclarum virum Dominum Paulum Eynwalt de Walteris decretorum doctorem clericum secularem in minoribus ordinibus et legitima etate constitutum ac ipsum in dicte ecclesie vestre Curoniensis et eorum concorditer postularunt Episcopum et Pastorem virum vtique a deo virtutibus pluribus decoratum providum circumspectum et maturum literarum sciencia preditum vite ac morum honestate commendatum de legitimis matrimonio procreatrum apud me ordinemque meum non solum verum et apud Reuerendos patres et dominos Prelatos maioresque et subditos tocius hujus terre liuonie laudabiliter et approbate conuersatum notum taliter et gratum quod Reuerendus Pater Episcopus Curoniensis pie memorie defunctus dum viueret ac sane mentis licet senio valitudineque grauatus esset.

Juris permissione que ecclesiis in remotis existentibus prouisum est ne  
paciantur dispendia cum consilio et assensu capituli in suum coadiutorem  
administratoremque ecclesie predicte yconomum et vicedominum assumpsit  
quemadmodum hec et alia satis patent ex decreto postulacionis per dictum  
capitulum Curoniensis ecclesie hac in re beatitudini vestre transmiso Idem  
eciam dominus Episcopus Curoniensis defunctus sola ecclesie reique publice  
utilitate pensata mentem consideracionemque suam in dictum dominum Pau-  
lum nunc postulatum ita stabiliuit ut ob suorum meritorum insignia pre-  
claramque famam qua dudum resplenduit motu proprio pia ac paterna  
dulcedine ad nullius viuentis exhortacionem seu requisitionem ecclesiam  
suam Curoniensem quam aliquandiu salubriter rexit pariter et utiliter ac  
fructuose gubernavit si et inquantum V. B. benigna clemencia id ipsum  
misericorditer (nisi) admittere dignata fuisse resignare ac quatenus idem  
D. Paulus prefate ecclie preficeretur operam dare intendebat ut sic illum  
sibi quamplurimis aliis at patrie gratum non petentem sed utique tractum  
et tamquam vocatum a deo ut Aaron graciam novo more proiectum conse-  
cratum non tam successorem in cathedram quam accessorem coepiscopum  
in vita sua ejusdemque vite sue ac senectutis solacium sustentaculumque  
de gracia et benignitatis vestre indulgencia speciali habere potuisset Sed  
sortis humane condicio que ipsum de medio substulit in causa fuit quare  
suum hac in parte propositum non impleuit. Vnde clementissime ac gra-  
ciosissime domine sincera ac fidelissima affectione V. B. quibus valeo hu-  
milioribus supplico precibus quatinus et si postulacio gracie inuitatur ta-  
men ecclesiarum omnium dispositionem ad S. V. pertinere profiteor. e v.  
clemencia pium meum pluriunque aliorum in istis partibus Liuonie majo-  
rum virorum votum ac eorum et simul meas humilimas preces misericordi-  
ter exaudire virumque illum utique vti premittitur virtuosum et ydoneum  
atque gratum patrie non reicere sed postulacionem ipsam in tanta concor-  
dia optimo Zelo et per inspirationem diuinam indubitanter pro pacifice  
hujus terre Liuonie conseruando statu hijs tribulacionibus ordinis mei ob  
gverris nephandissimis in Prussia currentibus celebratam pro conserua-  
tione ordinis mei quem sedes apostolica ab inicio benigno consueuit fauore  
prosequi de benignitate consueta propicius admittere et confirmare seu si  
oportuerit sibi prouidere dignetur Eos quoque et presentim venerabilem  
virum Dominum Jodocum Hogensteyn fratrem et procuratorem generalem  
Ordinis mei in Curia Romana aliasque qui hanc rem apud e. b. v. (i. e.  
enim Beatitudinem Vestram) et in ejus Curia sollicitabunt misericordi oculo  
respicere. In hoc rem deo gratam et ecclesie proficiam haut dubium effi-  
ciet S. V. que et dignetur excusatum habere clementer D. postulatum  
quod se conspectui S. V. personaliter non presentet causa est tribulacio.

Ordinis mei in Prussia quoniam insultus hostium cottidie verisimiliter omnes pertimescimus et eodem D. postulato pro hujus terre Liuonie conservando pacifico statu ad quem opera et industria ejus quamplurimum concurrere solent indigemus Vestram S. pro ecclesie sue sancte salubri regimine ac meo Ordinisque mei ac aliorum virorum fidelium singularissima consolacione altissimus feliciter conservare dignetur tempora per longiora Datum in Castro ordinis mei apud ciuitatem Rigensem XIII. Mensis Decembris Anno MCCCCCLVito. E. S. V. devoutissima creatura Frater Johannes dea Mengede alias Osthoff Magister beate Marie theotonicorum per Lyuonianam

Venimus nunc ad id, cujus causa haec praemissimus, nempe ad commendandam Christianis juvenibus dignam celebrationem festi pentecostes. Cogitatis serio, *Cives carissimi*, quanta beneficia Deus per filium suum humano generi largitus sit, ac reputetis, spiritum sanctum, in apostolos effusum, meliora docuisse homines, quam sapientissimi Graecorum et Romanorum unquam protulerunt. Christianos decet ταῖς ἀνθρώποις. Quo tendere demum Vobis licebit, si spiritus ille divinus per fidem et laetam conscientiam in animis vestris habitat, Vosque vere liberos a praejudicatis vanis opinionibus et turpissima libido tyrannide reddit. A nemine Vestrum procul est, modo attendatis ad monita ejus. Id est, quod vel maxime decet omnes, qui Christi profitentur nomen.

P. P. in Universitate Albertina, die I. pentecostes, a. ccccxxix.

20. 10. 18. AM 32. 18.

20. 10. 18. AM 32. 18.

20. 10. 18. AM 32. 18.

20. 10. 18. AM 32. 18.